



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

6. Orationes variæ pro varijs personis & rebus.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

tractationes negotiorum, & quicquid conjunctionem cum Deo impedire solet.

PARS SEXTA.

Orationes varia, pro variis personis & rebus.

QUIA in Sanctorum suffragiis, quæ singulis mensibus cuique Sodali distribuuntur, præter Confratrem aliquem, res alia aliqua, vel aliquis alius ex Ecclesiæ præsulibus, ex Regibus, vel Principibus proponitur, pro quo Deo supplicetur; existimauimus gratum fore Sodalibus, si variæ Manuali nostro ad hunc finem orationes infererentur.

Semper autem præmitti poterit hymnus. Veni creator Spiritus, vel Sequentia, Veni sancte Spiritus, & emitte cælitus, &c.

Tunc Antiph. Veni sancte Spiritus, reple tuorum, &c.

V. Emitte spiritum, &c.

R. Et renouabis faciem terræ.

Oremus.

OMnipotens sempiternæ Deus, qui gloriam tuam omnibus in Christo gentibus reuelasti; custodi opera misericordiae tuæ, ut Ecclesia tua toto orbe diffusa.

Pro Ecclesia Catholica.

fusa, stabili fide in Confessione tui nominis perseveret. Per eundem Dominum nostrum, &c.

*Pro eadem
contra In-
fideles om-
nes, & hæ-
reticos de-
fendenda.*

Plentissime Deus, qui iniquitatum ad te conuersorum non recordaris, sed eorum gemitus clementer exaudis, respice templa tua infidelium manibus profanata, & tui dilecti gregis afflictionem; reminiscere hæreditatis tuæ effusione preciosissimi Sanguinis vnigeniti Filij tui acquisite. Vineam tuam plantatam dextera, quam ferus aper exterminare conatur, frequenter visita, ac illius cultores aduersus deuastantium rabiem tua virtute corrobora, victores effice, in eaque benè operantes tui fac regni possessores. Per eundem Dominum, &c.

*Pro summo
Pontifice.*

Deus omnium fidelium Pastor & rector, famulum tuum N. quem Pastorem Ecclesiæ tuæ præesse voluisti, propitius respice; da ei, quæsumus, verbo, & exemplo quibus præest proficere, vt ad vitam vnâ cum grege sibi credito perueniat sempiternam. Per Dominum nostrum, &c.

*Pro omni
gradu Ec-
clesiæ.*

Omnipotens sempiterne Deus, cuius spiritu totum corpus Ecclesiæ sanctificatur, & regitur; exaudi nos pro vniuersis ordinibus supplicantes, vt gratiæ tuæ munere ab omnibus tibi gradibus fide-

fideliter seruiatur. Per Dominum nostrum
Iesum Christum, &c.

Omnipotens sempiterne Deus, qui fa- *Pro Episcopo, & quouis Antistite.*
cis mirabilia magna solus, prætende
super famulum tuum N. Antistitem
nostrum, & super plebem illi commissam
Spiritus gratiæ salutaris, & ut in veritate
tibi placeat, perpetuum ei rorem tuæ be-
nedictionis infunde. Per Dominum, &c.

Deus regnorum omniū, & Christiani *Pro Imperatore.*
maximè protector imperij, da seruo
tuo Imperatori nostro N. triumphū
virtutis tuæ scienter excolere; ut qui tua
constitutione est Princeps, tuo semper mu-
nere sit potens. Per Dominum, &c.

Quæsumus, omnipotens Deus, ut fa- *Pro Rege.*
mulus tuus N. rex noster qui tua mi-
ratione suscepit regni gubernacula,
virtutum etiam omnium percipiat incre-
menta: quibus decenter ornatus, & vitio-
rum monstra deuitare, & ad te, qui via, ve-
ritas, & vita es, gratiofus valeat peruenire.
Per Dominum.

Omnipotens æterne Deus, qui no- *Pro magi-
stratu Ec-
clesiastico.*
bis in Ecclesiæ tuæ ædificationem, a-
nimarum Præsules, & curatores præ-
fecisti, concede iis, quæsumus, cum vniuer-
so ordine ac statu Ecclesiastico efficacem
tuam gratiā, ut religionem Christianam
ab erroribus expurgent, officium suum
tuum

tum verbis, tum exemplis rectè perficiant
abusus tollant, sectas, & conuenticula di-
sturbent, veritatem Catholicam, anima-
rumque salutem sedulò promoueant; vt sub
iis pacificè, vnanimiter, & piè, instar ele-
ctarum ouium ab hæresibus & erroribus
liberi viuamus. Per Dominum nostrum
Iesum Christum, &c.

*Pro Magi-
stratu poli-
tico, seu ci-
uili.*

O Mnipotens æterne Deus, qui ciuilem
magistratum instituisti, ei que gla-
dium ad malorum supplicium, bo-
norumque defensionem cōmisisti, te sup-
plices oramus, vt Magistratus, rectoresque
omnes nostros in vias tuas dirigere digne-
ris, vt in pacata gubernatione perseuerent
Ecclesiæ tuæ bonum promoueant, bella,
ac seditiones auertant, omniaque ad com-
munem tranquillitatem, iustitiam & ho-
nestatem conducentia perquirāt. Per Do-
minum, &c.

*Pro quouis
prælato, Su-
periore, vel
pastore.*

Deus qui per Moysen famulum tuum
ad gubernandas Ecclesias Præposi-
tos instituisti, tibi supplices preces
effundimus, vt hunc famulum tuum N.
protectionis tuæ gratia munire digneris,
sicque subditos sibi regere cōcedas, vt cum
illis cœlorū regna adipisci mereatur. Quod
ipse præstare digneris, qui cum Patre, &
Spiritu sancto viuus & regnas Deus. Per
omnia, &c.

Hostium

H Ostium nostrorum, quæsumus Domine, elide superbiam, & eorum contumaciam dexteræ tuæ virtute prosterne. *Contra persecutores & male agentes.*

P Rotector noster aspice Deus, & ab inimicorum nos defende periculis, ut omni perturbatione semota liberis tibi mentibus seruiamus. Per Christum, &c.

O Mnipotens sempiterne Deus, qui non mortem peccatorum, sed vitam semper inquiris, suscipe propitius orationem nostram, & libera Indos, gentesque infidelitatis tenebris immerfas ab idolorum cultura & aggrega Ecclesiæ tuæ sanctæ, ut cognoscant te solum verum Deum, & quem misisti Iesum Christum Dominum nostrum, qui tecum viuit & regnat in unitate Spiritus sancti Deus, per omnia secula seculorum. Amen. *Pro Indorū & gentium conuersione.*

O Mnipotens sempiterne Deus, qui saluas omnes, & neminem vis perire, respice ad animas diabolica fraude deceptas, ut omni hæretica prauitate deposita, errantium corda resipiscant, & ad veritatis tuæ redeant unitatem. Per Dominum, &c. *Pro hæreticorum conuersione.*

D EUS auctor pacis, & amator, quem nosse viuere, cui seruire regnare est; protege ab omnibus impugnationibus supplices tuos, ut qui in defensione tua confidimus, nullius hostilitatis arma timeamus. *Pro pace.*

mea-

meamus. Per Dominum nostrum, &c.

*Ad postulā-
dam pluui-
am.*

T Erram tuam Domine, quam vide-
mus nostris iniquitatibus tabescen-
tem cœlestibus aquis perfunde, at-
que irriga beneficiis gratiæ sempiternæ.
Deus, à quo viuimus, mouemur, & sumus,
pluuiam nobis tribue congruentē, vt præ-
sentibus subsidiis sufficienter adiuti, sem-
piterna fiducialius appetamus. Per Domi-
num, &c.

*Ad postu-
landam se-
renitatem.*

A De te, Domine, clamantes dignanter
exaudi, & aëris serenitatem nobis
tribue supplicantibus, vt qui pro pec-
catis nostris iustè affligimur, misericordia
tua præueniente, clementiam sentiamus,
Per Dominum, &c.

Q Væsumus, omnipotēs Deus, clemen-
tiam tuam, vt inundantiam coerceas
imbrium, & hilaritatem vultus tui no-
bis impertiri digneris. Per Christum Do-
minum, &c.

*Tempore
pestis &
famis.*

D A nobis, quæsumus, Domine, piæ
supplicationis effectum, & pestilen-
tiam famemque propitiatus auerte;
vt mortalium corda cognoscant, & te in-
dignante talia flagella prodire, & te mise-
rante cessare. Per Dominum.

P Opulum tuum, quæsumus Domine,
ab ira tua ad te confugientem paterna
recipe pietate, vt qui tuæ iustitiæ fla-
gella

gella formidant, de tua mercantur venia gratulari. Per Christum, &c.

D Eus qui poenitentiam desideras peccatorum, populum tuum ad te reuerentem propitius respice; vt dum tibi deuotus existit, iracundię tuę flagella ab eo remoueas. Per Dominum nostrum Iesum Christum, &c.

Pro vitanda mortalitate.

D Eus, qui conteris bella, & impugnatores in te sperantium potentia tuę defensionis expugnas; auxiliare famulis tuis implorantibus misericordiam tuam, vt omnium inimicorum suorum feritate depressa, incessabili te gratiarum actione laudemus. Per Dominum.

Tempore belli.

D Eus, cuius misericordia cęlestium quoque virtutum indigent potestates, & in cuius conspectu nullus est hominum absque sorde, & poena peccati; delicta populi tui, quęsumus, propitiatus auerte, vt quos proprię conscientię reatus accusat, bonitatis tuę patientia faciat veniā promereri. Per Christum Dominum nostrum, &c.

Tempore cuiusvis calamitatis.

D Eus infirmitatis humanę singulare presidium, auxilij tui super infirmos famulos tuos ostēde virtutē, vt ope misericordię tuę adiuti, Ecclesię tuę sanctę incolumes representari mereantur. Per Dominum nostrum, &c.

Pro infirmis.

Quęsumus.

*Pro sponso,
& spōsare-
cens con-
iunctis.*

Quæsumus omnipotens Deus, infi-
tuta prouidentia tua pio fauore co-
mitare, & quos legitima societate
connectis, lōgæua pietate custodi. Per Do-
minum nostrum Iesum Christum.

*Pro iter a-
genibus.*

Adesto Domine supplicationibus no-
stris, & viam famulorum tuorum in
salutis tuæ prosperitate dispone, ut
inter omnes viæ, & vitæ huius varietates,
tuo semper protegantur auxilio. Per Do-
minum, &c.

*Pro paren-
tibus & cō
sanguineis.*

Domine Deus, qui secundum te, pa-
trem, & matrem honorare, & pro co-
rum incolumi vita, & fortunis, ut æ-
quum est, orare præcepisti; da parentibus
meis, omnibusque fratribus, sororibus,
consanguineis, & amicis, omnibusque do-
mesticis nostris salutem & pacem, conser-
ua eos in fidei tuæ pietate, custodi eos ab
omni corporis, animæque incommodo,
largire gratiam tuam, ne vnquam à te se-
parentur, sed propitium te semper Patrem,
& Deum experiantur. Per Dominum no-
strum, &c.

*Pro præce-
ptorib⁹ aut
superiorib⁹
suis.*

Benedictionem tuam, Domine famu-
lus tuus Præceptor noster accipiat, qua
corpore saluus, & mente, congruam
tibi semper exhibeat seruitutem, & propi-
tiationis tuæ beneficia semper inueniat.
Per Dominum, &c.

Deus

DEus, qui iustificas impium, & non vis *Pro discipu-
lis, aut sub-
ditis, aut
filiis suis.*
mortem peccatorum; maiestatem
tuā suppliciter deprecamur; vt famu-
los tuos, meæ curæ commissos, de tua mi-
sericordia cōfidentes, cœlesti protegas be-
nignus auxilio, & assidua protectione con-
serues; vt tibi iugiter famulentur, & nullis
tentationibus à te separentur. Per Dom.

DEus qui caritatis dona, per gratiam *Pro deuotis
amicis-*
sancti Spiritus, tuorum cordibus fi-
delium infudisti; da famulis & famu-
labus tuis, pro quibus tuā deprecamur cle-
mentiam, salutem mentis, & corporis; vt
te tota virtute diligant, & quæ tibi placita
sunt, tota dilectione perficiant. Per Domi-
num, &c.

DEus auctor pacis, & amator caritatis, *Pro quouis
amico &
familiari.*
quem nosse viuere, cui seruire regna-
re est; da famulo tuo pro quo miseri-
cordiam tuam supplices deprecamur, in
tua fide, & famulatu constantiam, vt in ca-
ritate Diuina firmatus, nullis tentationi-
bus ab eius integritate auellatur. Per Do-
minum.

DEus pacis, caritatisque amator & cu- *Pro inimi-
cis.*
stos; da omnibus inimicis nostris pa-
cem, caritatemque veram, cuncto-
rumque eis remissionem tribue peccato-
rum, nosq; ab eorum insidiis potenter cri-
pe. Per Dominum, &c.

N

Deus

*Pro quibuscunque
pijs Confratribus.*

DEus qui diligentibus te facis cuncta prodesse, da cordibus nostris inuiolabilem tuæ caritatis affectum, ut desideria de tua inspiratione concepta nulla possint tentatione mutari. Per Dominum nostrum, &c.

*Pro uiuis
& defunctis.*

OMnipotens sempiterne Deus, qui uiuorum dominaris simul & mortuorum; omniumque misereris, quos tuos fide, & opere futuros esse prenosciste supplices exoramus; ut pro quibus effundere preces decreuimus; quosque vel præsens adhuc seculum in carne retinet, vel futurum iam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum, &c.

Observandum est has orationes, quæ pro pluribus, numero multitudinis funduntur, posse numero singulari efferri, si pro vno tantum offerantur. Exempli gratia, si pro unico duntaxat infirmo supplicare Deo vis, ubi habetur (super infirmos famulos tuos) dices (super infirmum famulum tuum) & sic de cæteris plures numeros in singulares commutatis.

PARS